



25.09.2019



Наманганлик Махпират Бурхонова (исм-шарифлар ўзгартирилган) фирибгарлик кўчасига қадам қўйиб, Жиноят кодексининг 168-моддаси, 2-қисми, “в”-бандида назарда тутилган жиноятни содир этганда 27 ёшда эди. Ўшанда жиноят ишлари бўйича Шаҳрисабз туман судининг 2008 йил 28 октябрдаги ҳукмига биноан унга нисбатан 2 йил муддатга ахлоқ тузатиш жазоси тайинланиб, 2 йил синов муддати белгиланганди.

Аmmo Махпират бундан ўзига тегишли хулоса чиқариб олмади. Аксинча, шундан кейинги 10 йил мобайнида яна 13 маротаба фирибгарликка қўл уриб, бу “ҳунар”нинг ҳадисини олди. Ҳаттоки, Жиноят-процессуал кодексининг 533-моддаси, 1-қисми, 2 ва 3-бандларига мувофиқ ҳомиладорлиги ҳамда 3 ёшга тўлмаган фарзанди борлиги боис жазоси кечиктирилган пайтда ҳам фирибгарликдан ўзини тиймади. Сўнгги маротаба ҳам жиноят ишлари бўйича Наманган шаҳар судининг 2018 йил 9 апрелдаги ҳукмига кўра тайинланган 5 йилу 8 ой озодликдан маҳрум қилиш жазоси 2020 йил 1 апрелга қадар кечиктирилганди. Бироқ кўзи очилмаган М.Бурхонова ўн бешинчи фирибгарликка қўл уриб, яна ўзгаларни чув туширди. Бу гал эса жиноятга укасининг рафиқаси Гулзода Турсуновани ҳам шерик қилди.

Гап шундаки, хавфли рецидивист бўлган Махпират ўша куни Гулзода билан бирга Поп тумани Чодак қишлоғидаги Дилбар Фазлиддинованинг келин либосларини ижарага берувчи салонига киради. Кириб кўришсаки, тадбиркор аёл келин либослари билан бирга турли парфюмерия маҳсулотларини ҳам савдога қўйиб қўйганди. Шунинг учун қайнисингил ва келин ўша гўзаллик ашёларини бирма-бир қўлларига олиб кўра бошлашади.

— Бизга жуда ёқди, нархи қанча?, — деб сўрайди улар.

— Қўлингиздагилар эллик минг сўм бўлади.

— Майли, оламиз. Фақат ҳозир пулимиз йўқ эди. Шунга мана бу тилла узукни олиб қолсангиз. Эртага пулини бериб, узукни олиб кетамиз, — дейишади мулойимлик билан.

Шундай қилиб иккала хоним бир дона бижутерия узугини бериб, ўзлари танлаган 50.000

сўмлик атир-упаларни олиб чиқиб кетишади. Кейин эса улар тадбиркор Самира Мирзаеванинг кийим-кечак дўконига киришади. Бу маҳал дўконда Самиранинг синглиси Саида савдо қилаётганди.

— Биз ҳарбий қисмда ишлаймиз. Олтинкондаги “дом”да яшаймиз. Эрта-индин яқин танишимиз қизининг тўйини қилаётганди. Шунинг учун тўйга киядиган чиройли кўйлақларингиздан берсангиз, — дейди Махпират.

Бунга ишонган Саида энг сара либосларини уларга кўрсатади. Натижада харидорлар ҳаш-паш дегунча 2.400.000 сўмлик аёллар кийим-кечакларини тахлаб сумкага жойлашади. Кейин Махпират С.Мирзаевани ҳам худди Д.Фазлиддинова сингари аврашга тушади.

— Хўп, десангиз, мана бу тилла узукни ташлаб кетсак. Ҳозир пулимиз йўқ эди. Эртага пулини бериб, узукни қайтариб оламиз.

Саида опасига қўнғироқ қилиб, уларнинг илтимосини етказди. Лекин Самира насиёга савдо қилмасликни тайинлайди. Шундай бўлса-да, фирибгар қариндошлар Саидани авраб, кийим-кечакларни олиб кетишади. Аммо қолдирилган тақинчоқларнинг сохталиги қачонки Саида уни қўлига тақиб кўргандагина маълум бўлади. Қолаверса, ҳамқишлоқлар Олтинкон шаҳарчасидаги кўп қаватли уйларда ҳарбий хизматчилар истиқомат қилмаслигини айтишади.

Шундан сўнг Самира Мирзаева дарҳол туман ички ишлар бошқармасига хабар беради. Оқибатда, Махпират билан Гулзода тез орада қўлга олиниб, иккаласига нисбатан жиноят иши қўзғатилади.

Тергов жараёнида М.Бурхонова С.Мирзаевага етказилган зарарнинг 1.950.000 сўмини қоплади. Жабрланувчи Дилбар Мирзаева эса суд мажлисида кўрсатма бериб, ўзига етказилган зарардан воз кечганини, бироқ судланувчиларга тегишли жазо тайинлашни сўради. Шу боис жиноят ишлари бўйича Поп туман суди айбдорларга қонуний жазо тайинлади. Шунингдек, Самирага етказилган зарарнинг қопланмаган 450.000 сўмини М.Бурхонова ва Г.Турсуновадан солидар тартибда ундириш белгиланди. Энг эътиборлиси, Махпиратнинг 3 ёшга тўлмаган фарзанди борлиги учун унга тайинланган озодликдан маҳрум қилиш жазоси яна 2020 йил 1 апрелга қадар кечиктирилди. Бироқ бу сафар у қилмишларидан тўғри хулоса чиқарадимми-йўқми билмадик.

Гўзал ШАРИПОВА,

Поп туман прокурори катта ёрдамчиси,

Бахтиёр ОБИДОВ,

жиноят ишлари бўйича Поп туман суди судьяси

231 [Чоп этиш](#) ^[1] [PDF](#) ^[2]

Сўнгги янгиликлар:

- [Аёлда ор ва ғурурнинг йўқлиги миллат фожиасидир \(2019 йил, 38 сон\)](#) ^[3]
- [Обод қишлоқ, обод маҳалла ва равон йўллар \(2019 йил, 38 сон\)](#) ^[4]

- [Ғайриқонуний буйруқ бекор қилинди \(2019 йил, 38 сон\)](#) [5]
- [Орзуларни оловга отма! \(2019 йил, 38 сон\)](#) [6]
- [Одам савдоси жабрдийдасига айланманг! \(2019 йил, 37 сон\)](#) [7]
- [Атом энергияси тўғрисидаги Қонун: 10 та афсона ва ҳақиқат](#) [8]
- [“Биз коррупцияга қаршимиз” мегатанлови. Кураш қалб ва онгда шаклланиши керак \(2019 йил, 37 сон\)](#) [9]
- [Пармонович пенсияга чиқмоқчи “Пармонов” эса халал бермоқда \(2019 йил, 36 сон\)](#) [10]
- [Судьялар олий мактаби. Мамлакатимиз суд тизимида яна бир тарихий воқеа \(2019 йил, 36 сон\)](#) [11]
- [Уй ҳайвонларига паспорт нимага керак? \(2019 йил, 36 сон\)](#) [12]

Source URL: <http://insonvaqonun.uz/?q=runklar/5035>

Ссылки

- [1] <http://insonvaqonun.uz/print/5035>
- [2] <http://insonvaqonun.uz/printpdf/5035>
- [3] <http://insonvaqonun.uz/node/5039>
- [4] <http://insonvaqonun.uz/node/5038>
- [5] <http://insonvaqonun.uz/node/5037>
- [6] <http://insonvaqonun.uz/node/5034>
- [7] <http://insonvaqonun.uz/node/5032>
- [8] <http://insonvaqonun.uz/node/5030>
- [9] <http://insonvaqonun.uz/node/5029>
- [10] <http://insonvaqonun.uz/node/5026>
- [11] <http://insonvaqonun.uz/node/5024>
- [12] <http://insonvaqonun.uz/node/5023>